

中國方志叢書·華中地方·第四六九號


據

清·嚴
民國二十四年鉛印本
型等修，馮煦等纂

影印

江蘇省

宿遷縣志



成文出版社有限公司印行



中華民國七十二年三月臺一版

宿遷縣志 全一冊

發行人：黃 成 助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

中華民國二十四年元旦

宿遷縣志

余井塘敬題



民國二十四年春月出版

宿遷會文齋印刷局承印

宿遷縣志序

方志鄉邑之史也而有與史異趣者史紀述國政下不通於地
齊前俗自典章文物之類以逮乎里謠民謠之細非舉畢包莫
志若已區縣有限故易於網羅年代未湮故得其翔實舊制冊
年一舉修後或有逾此者要不越百禩制度沿革禮儀嬗遞猶
可徵信近紀以來稍放佚矣夫志者教化之寫真人文之縮景
今世方亟於中國本位文化之建設鑑往知來倘宜取材於茲
若夫矯正風俗別一體制固齊民之要術當世之急務而着手
所須亡是亦無以資綜覈方志之爲用顧不廣哉蘇省通志之
作始自民國七年延馮公煦主其事歷時十載纂輯猶就桑在
宿遷縣志序

未刊十七年省府復有通志編纂會之版議重定義例更易門
類以符國體而肇新元茲事體大任傳數年迄未卒業頃方在
董理仇校中蓋志事若斯之難也而馮公所旁輯宿遷縣志起
自遜清光緒元年迄於辛亥光復者先於十三年誌事察其體
例猶循舊軌斷自辛亥意以民國志乘付之方來於時代立場
固有可議要其採獲詳慎敘述簡樸自足供後世研究宿邑文
獻掌故者之參證史體有編年斷代之分茲編作爲斷代之史
觀可也是爲序

江蘇省政府主席

陳果夫

宿遷縣志序

夫政教禮樂風土山川自古莫不載諸簡冊以垂世法故司馬
遷曰書班固曰志東觀曰記名稱雖異體制不異亦猶晉謂之
乘楚謂之檮杌魯謂之春秋其義一也溯自墳典而後尚書以
迄於漢書史者不外正宗六家歷代相演旁及雜記十品芻蕘
之言必擇菁華之體不棄文籍繁興靡然俱備迨鄧樵氏本歷
史例撰爲通志與杜典馬考互有詳略紀事不專繫於一代立
言必貫通乎古今遂集志之大成自清之初勅修續三通及皇
朝三通併爲九通記述無遺益臻完善各省縣志一本於此綱
舉目張極文獻之盛事也

宿遷縣志序

宿遷之有縣志自明萬曆五年始十四年重修之清代續纂
於康熙三年復修於二十二年再修於嘉慶十八年三修於同
治十三年迄今又六十一載同治志本亦將散佚無存求其賡
續記載政教禮樂風土山川者厥爲馮修志稿矣起光緒元年
訖宣統三年察其編列圖表較同治志爲詳記述體例較同治
志爲富文詞簡樸猶其餘事稿成於民國十三年藏待付梓適
民國十八年春刀匪變亂擾及縣城斯稿云失幸教育局寬自
民家視無殘缺呈縣以金市回復珍藏之欲刊而止者屢矣余
癸酉歲來宰斯邑慮志乘之散佚無傳也與馬秘書紹中羅科
長毅堂謀付梨地方人士咸樂成之復慮志乘之難爲其繼

也遂組織文獻委員會專司其事凡本邑耆宿碩彥皆與聘焉
吾嘗謂文獻爲志乘之舉志乘爲文獻之實志有所略文有所
詳志有所博古文有所擯新今者政事日繁教化益廣舉凡禮
俗之遷進物質之建設方諸鼎革以前誠不可同日共語則輅
軒所採簡冊所書必十倍於前代史志體例進而易以科學
方法不徒求詞藻之工抑且求事實之是文獻會諸君子淬勵
斯旨肩荷重任他日續成新志果能博大精深止於社會人羣
裨益更宏然而斯志之刊行上承往昔下啓來茲爲功又豈渺
哉是爲序中華民國二十四年元旦宿遷縣縣長張迺藩

宿遷縣志序

宿遷縣志序

戊午春予有江蘇通志之纂先期敦各縣修新志以爲權輿而
應者絕鮮獨宿遷門下士王君果亭以書幣來乞予肩志事黃
君伯雨臧君雪樓復堅以爲請遂不獲辭其酌斟義例甄采事
實皆果亭任之所據本爲同治李志主之者爲陽湖方駿謨元
徵一同徐州府志紀表志傳儕於國史陳義甚高或有陵越今
之所纂竊取山陽魯一同氏邳州南清河二志之例其目次亦
有不盡合於魯氏者進山川於營建之上則地之所形一則
人之所規也躋古蹟於營建之後今昔雖殊其爲營建一也予
年越八十神識類沮日親鉛槧不越數小時刪蕪補漏斷自一
手稿凡四五易旁無助者又規畫省志尚緒糾紛以其餘力及
之辛酉壬戌間吾蘇游者五十餘縣予強起事振恤宵旰靡間
茲事繼者且兩歲至今年四月始得卒業而果亭已於癸亥四
月沒於江寧墓草且宿不獲一觀是志之成思之絕痛屬草既
竟迺太息而爲之敘曰大哉王言如綸如緯堯煥以文禹聲以
律既通下情亦宣上德雲漢昭回奉之無斁志宸翰第一我疆
我理匪圖易明仰準天度俯規地形世有沿革亦緯亦經物產
以阜土俗以成志疆域第二司吾峨峨萌於岱宗大河既遷百
川自東山谿之險以固提封一卷一勺靈秀亦鍾志山川第三
三里五里屹爲雄州官府治明壇廟治幽經乎郊鄙以達四陲

宿遷縣志序

芸芸萃處式壯其猶志營建第四麥秀殷虛棠甘召應歌哭所
聚釣游所繫激發善懷懲創佚志念茲在茲庶毋失隊志古蹟
第五民天唯食經國所先古有三征今一條鞭早滯代有以恤
以蠲善國之紀來者勉旃志民賦第六富而後教聖有遺訓斷
斷章逢鼓篋以進勿蹈奇袤勿聘疎僂詩刺青衿爲聖所指志
學校第七庠序勃興登崇俊良達善天下窮則一鄉月存日秩
俾壽而臧上推下逮亦家之慶志選舉第八四戰之國莫先軍
律器者以靜紛者以一常資守望變捍侵軼效死勿去風烈無
匹志兵防第九牧民之責繫於有司百度填委上張綱維以循
孰酷孰恤且尸後有繼者鑑此前規志職官第十步芳草十
宿遷縣志序

八十有二

宿遷縣志修輯姓氏

鑒定

宿遷縣縣長連水張迺藩

總修

前宿遷縣知事紹興嚴型

總纂

清安徽巡撫丙戌科探花金增馮

協纂

清湖南布政使辛卯科舉人邑人黃以霖

湖北任用道尹清附貢生邑人王爲毅

宿遷縣志

清壬寅補行庚子辛丑科舉人邑人城增慶

分纂

清附生山陽王泌

清丁酉科拔貢邳州張鴻鼎

清廩貢生邑人陳文質

校對清廩貢生邑人蔡鳳翔

參校清廩貢生邑人蔡鳳翔

宿遷縣政府秘書連水馬紹中

宿遷縣政府第三科科長邑人羅毅堂

南京前民國法政大學法律本科肄業邑人陸永新 捐生

宿 逕 師 範 畢 業邑人陸 振子元

參訂

清 乙 酉 科 拔 貢邑人葉 寶 樹人

清 癸 巳 科 舉 人邑人陸文椿 壽山

清 癸 卯 科 舉 人邑人盧瀚蔭 壽山

清 附 貢 生邑人陸承卓 壽山

清 附 貢 生邑人黃以昭 壽山

收掌

清 歲 貢 生邑人葉 蔚 壽山

宿遷縣志

徐州師範本科畢 業邑人王英阿 壽山

特別徵訪

清 歲 貢 生邑人潘訓良 壽山

清 歲 貢 生邑人龔象衡 壽山

清 歲 貢 生邑人王國賓 壽山

清 附 貢 生邑人杜詩祺 壽山

清 附 貢 生邑人劉鴻賓 壽山

法政講習所畢 業邑人朱瑞鋪 壽山

徵訪

清 附 貢 生邑人王 殿 壽山

清 廩 貢 生邑人張雲莊 壽山

清 廩 貢 生邑人陸樹田 壽山

清 附 貢 生邑人羅會莊 壽山

清 附 貢 生邑人馬如駿 壽山

清 廩 貢 生邑人汪采蘋 壽山

清 附 貢 生邳州閻承謨 壽山

清 附 貢 生邑人武冠羣 壽山

清 附 貢 生邑人陸承環 壽山

清 附 貢 生邑人盧輔清 壽山

清 附 貢 生邳州吳殿啓 壽山

宿遷縣志

清 附 貢 生邑人施任賢 壽山

法政講習所畢 業邑人徐朝俊 壽山

師 範 畢 業邑人單學中 壽山

邑 貢 人陳步雲 壽山

邑 貢 人仇行修 壽山

邑 貢 人鄒節軒 壽山

淮 貢 安王瑞庭 壽山

邑 貢 人王汝昌 壽山

邑 貢 人朱金鳴 壽山

監刊

凡例

一同治志記事沿革表當仿景定建康志唯建康志標明以時

地人事爲緯故開卷瞭然同治志雖師其意而無人以緯之

且沿革統隸分爲二目亦與建康志不合又表中間有志及

邳州事者毋亦以曾隸邳州遂連類及之邪今從魯一同氏

邳州南清河兩志例歷代順序不復列表顯若畫一

一同治志災祥亦附沿革表然建康志雖列時緯後仍列入風

土志此條在建康志亦病其複同治志除表中一見外竟未道及獨值亦

闕入此表未免凌雜今並仿魯氏例附入田賦

一同治志圖略而不備今縣境總圖外增五鄉分圖山水水道

宿遷縣志

一一

圖其縣城縣署文武廟鍾吾書院各圖仍存其舊唯所繪各

圖繪者未憑目驗亦未測量合否正不敢知俟能者核正之

一同治志山川多仍前志條理未甚明晰今山仿山經水仿水

經較有條理唯山有定形水則遷變不常僅恃按圖而索其

合否亦不敢知也又舊志所載而圖不具無從詳其源委者

或舊河所經蕩爲平陸昔有今無則類載於後

一同治志有河防一目昔視爲要政自銅瓦廂決後大河北徙

皆爲陳迹今不列此目而附於山水本條之下臆汎隄壩工

程亦附於末

一營建中之圩塾學校中之學堂皆建於近代其公私興廢均

難徵實姑就采訪所有者書之或有疏漏以俟後賢

一同治志民賦經始本朝不及前明今采嘉慶志略存明制以見前代之權與其水旱蠲振及義振義民並附是篇

一學校悉本同治志唯補入從祀先賢先儒及祭器樂章以新學勃興斯文將墜失今不載後將無徵藝文同治志無之今亦補其可知者附於學校之末

一同治志選舉表亦難清晰今科舉外文職附以封贈耆壽鄉飲賓七世同居五世同堂武職附以勳蔭巴圖魯花翎藍翎皆各從其類以紀一鄉之盛

一縣為四戰之國南北朝最為兵衝而同治志亦斷自本朝今略攷其可見者於序中武職則兼及南北朝本朝亦分為操防修防駐防三端較為明晰其驛遞巡警附於上篇歷代兵事及殉粵皖寇之難者附於下篇

宿遷縣志 凡例

一同治志職官表文職參入成將成主既不相應武職斷自本朝亦嫌疎脫且表中宿虹同知運河通判淮徐道皆離為二表不相聯屬淮徐道運河同知各員亦多闕略前序既以治河治民分為二則大小職官均當以類相從淮徐道治民之官也而入河員之前管河各縣丞主簿又在知縣縣丞之後亦不合今並分別部居不相凌躐且補其所未備者

一同治志人物傳各有子目此自史家通例然賢哲所履不顯

一操以目定之轉難吻合從一統志及魯氏志例以時代為後先不立子目其列傳中之蔡士英久家遼左為遼人不應列入如康熙志之伍員朱買臣今並從刪

一同治志旌獎表中節婦分三等一節孝二節婦三烈婦以烈女殿焉案凡旌節婦者並曰節孝今離節孝與節婦為二豈節婦皆於孝有未盡抑皆無舅姑邪同一烈婦烈女然有殉夫者有殉寇者雜糅其中似亦無別今凡殉寇者均附於兵防志殉難諸人之末以義相從而烈婦烈女中只載殉夫者以免混同

一同治志之末為辨例及修志源流今凡叢殘無可歸者立雜宿遷縣志 凡例

記一目凡析為子目七日辨譌謂同治志之辨例也日記聞曰方技曰仙釋曰流腐曰怪異而仍以修志源流終焉

宿遷縣志目錄

卷一 宸翰

卷二 疆域

卷三 山川

卷四 建寅

卷五 古蹟

卷六 民賦上

卷七 民賦下

卷八 學校

卷九 選舉

宿遷縣志目錄

卷十 兵防上

卷十一 兵防下

卷十二 職官上

卷十三 職官下

卷十四 人物上

卷十五 人物中

卷十六 人物下

卷十七 列女上

卷十八 列女中

卷十九 列女下

卷二十 雜記

宿遷縣志目錄

宿遷縣志卷一

宸翰志

虞廷喜起載歌南薰爲帝王言詩之始自是而漢之柏梁唐之積翠池並副風緝雅煥乎有章我朝右文之治遠抗前載康乾

二聖彌精 睿藻 南巡屢舉篇什遂滋皆以飭治軫災求民

之莫非若穆滿之歌黃竹孝武之詠橫汾也宿遷爲 翠華所

經凡流覽之作敬弁簡端志 宸翰

聖祖仁皇帝御製文

大王廟祭文

宿遷縣志 卷一

維康熙二十三年歲次甲子十月癸巳朔越十有九日辛亥皇

帝遣孫在豐致祭於金龍四大王之靈曰惟神忠心貫日正氣

凌霄奠蒞屋之寧居功襄平土挽銀河之激浪力奏安瀾三月

春流無恙桃花之水千官扈蹕莫愁瓠子之宮朕念蒼赤之艱

難歷黃淮而巡省萬艘飛輓咸有藉乎神庥九曲澄波實遠資

大明德凡此平成之效盡邀默運之靈特遣從官吉蠲用享惟

神來格尙其歆鑒

御製詩

自宿遷解纜一日夜達山東境

千里南程幾日回輕舟直下沂萊洲大風更假帆檣便一夕由

東境止來

入江南境

行盡竟東程乍入江南路水源切蒯塽深心察其故

經邳徐界上

泗水通淮澤坡陀認馬陵經過懷十載戶口幾新增

宿遷

行過江南水與山柳舒花放鳥緝蠻明朝重至邳徐路鳳閣龍

樓計日還

高宗純皇帝御製文

阜河龍王廟碑文

宿遷縣志 卷一

我

皇考世宗憲皇帝配 天永命康乂實區億甯百神不錫福於

皇黎兆姓方望所及秩祀惟虔越若川澤靈祇默贊元化大庇

生民孚應顯著者咸命有司增飾廟貌用昭崇德報功禮神惠

民之至意江南宿遷縣之阜河廟祀

顯佑通濟昭靈効順黃河之神由來舊矣其地前控大河後臨

運道洪流過波遠近奔匯號爲最險奠厥民居繁神功是賴而

祠宇歲久且圯弗稱祀典爰允河臣之請特發帑金鼎新神廟

經始於雍正五年五月內落成於是年十一月鉅麗崇嚴丹碧

輝映於以妥神棲薦禋祀顧答款享孔惠孔時越乾隆元年十

月河臣奏言歷歲以來經流順軌風濤不驚完固金堤帆樯利涉明神協應靈昭然

世宗憲皇帝至誠孚格貽麻久遠允宜敬勸貞民垂示毋替敢以上請惟河工漕運二者皆國家大政黃河經數千里東入海而淮徐適當其委是民命之所託也吳越荆楚之粟歲漕以實天庾踰淮涉河而達於京師是民力之所出也

皇祖聖祖仁皇帝肇念河漕鑾輿臨幸神謨指授萬世永賴

皇考勵精宵旰庶績咸熙轉漕河防尤關睿慮至誠所積格

致幽顯神功默相歲慶安瀾崇構增新祇申昭報朕聞之民者神之主也帝王承天子民明神受職於天惟以麻佑生靈彰造

宿遷縣志

卷一

三

化之功用感召之理一誠而已書曰至誠感神又曰享於克誠傳曰民和而神降之福事神保民無道也我

皇考德治紘誕仁漸海宇而勤恤民隱誠求保赤之忱孜孜弗

釋克享天心以是爲懷柔百神之本朕寅奉不基蒙聲福祉

民物殷阜神人協和惟是願民民雲對越上帝殫精誠以崇

實政用繼我

皇考之盛烈茲祀上下達於馨香明靈洋洋永孚惠我黎庶朕

敢夙夜敬勉以拜神無疆之賜

御製詩

入江南境

晨晨東風拂面春乘春轡輅舉時巡江南至矣猶江北我地同兮總我民祇座觀方懷保切豈難解澤惠鮮頻更欣餘事尋文翰秀麗山河發藻新

暖

緣入江南半日程溫暾暖氣面前迎絲鞭不覺東風軟簪帽輕掀曉日明千里征人忘栗烈一時景物報芳榮省方本欲知民事疾苦應須諮老吏

宿遷道中作

觀民展義舉時巡澤國非遙路少塵畢雨箕風從好惡小廉大法勛臣鄰就瞻一任扶攜至出入何須警蹕頻底事初逢如舊

宿遷縣志

卷一

四

誠本吾宵旰繫懷人

峒嵒山

緣野平陵翠黛紋拂廬小對意含欣鍾吾漫道纔拳石早具江

山秀幾分

停蹕遙看峯對門夷嶮蘭若靜風旛開黎道左紛迎駕想厭清

閒未厭喧

舉目崇椒縹緗間愛他書意已吳山東風策馬尋前路鞭影仍

留片晌間

麥

盼從寬寬寒遲前看到淮徐綠滿田第一江山春好處十分梅

柳色徒傳漸漸他日應藏雉縷縷於今欲起煙此是千家餅餌
計羽林馳騎戒紛填

駱馬湖

濟運輸天庾防霖安地行相機資蓄洩惟謹度虧盈洲渚江鄉
趣覺鷗春水情六塘東達海切切念民生

度永濟橋

水退長橋未臥波垂鞭風袞跨虹過每聞行潦愁溢溢高日疏
治竟若何

示總督黃廷桂

所過宿遷清河桃源三縣上年被水之區雖已加賑茲經覽閱

宿遷縣志

卷一

五

閭閻切軫念命再加恩卹並成是詩

三縣雖加賑經臨倍切情卹民需過厚咨爾善推行各種休偕
責興勸莫誤耕所憐災歎後歉什馬前迎

過宿遷縣

宿遷去歲災加賑早降旨南巡春月過閭閻色未起悲與怒予
愁是皆吾赤子鳩形或伶仃露肘多藍縷叶未見切座懷况乎
親見此不亟令安全豈其勤民理加矣甯再加庶乎免轉徙承
宣有職司供帳何藉爾留茲總大綱庶吏爾任使賑貸便宜行
毋遺甯濫矣更戒忽遐陬惟飾途邇迴變忽兩月被野麥色
美民心賴以定吾亦因之喜進詢方伯臣三縣率如是

見前詩
留題

桃源元氣詎易復稍救然眉耳黃童及白叟叶道旁踈言謝
爾莫頻尚冀歌盈止

二月朔日入江南境六韻

仲月日臨吉江南路入徐觀民因露冤策馬每辭與欣看尊親
意還願寬大書游災常座爾加賑莫稱予尚恐向隅者未沾濡
澤餘咨良二千石文視可銘諸

麥苗

露浮全帶潤隴覆欲生香可識南邦暖較於魯甸長徒觀浪猶
靜尚覺難難藏邳宿經災後冀茲接夏糧

度永濟橋作歌

宿遷縣志

卷一

木

長橋接岸互逶迤留孔多緣瀉源水上承駱馬下六塘節宜見
爲濟運起有司除道欲就夷逕度河灘橋仰視激痕幾欲與橋
平是今所行乃河裏溝澮可盈河詎可知艱慚無治法爾石砥
中復多斷缺問因去年浪所毀何不亟修云有待迴鑒次第方
經理往來通衢賴此存夏霖轉瞬其何恃發帑鳩工勿再延永
言顛末識所以

復降旨加賑江南被災州縣詩以示總督尹繼善及地方大小
諸吏

新正寬大詔獨欠江浙暨翠華昨發輒加賑已次第茲入江南
境宿桃日所繫叶百家鮮積糧麥苗猶在地夏收云尚遙是宜

善安置吾民藍縷多嗟此饑寒輩游災乃若斯應恤誰所致養
老及賜貧雖日願縱騎命親隨而後者老以與 尚念溝
壑惻旬旬或艱至已加甯再加節薦庶均逮以及安慶屬一何
俾諸賜既仍事催科其善勤撫字漏卮何處無莫使使胥吏
運河

公猶經古縣窰口湖新灣隄上有流注雲邊辨往還舳舻期用
涉名利孰長閑憂隱黃淤後淪疏策正艱黃河狹以爲利上流急
下流緩爲憂其大者命督河臣議者不足爲策會同各理較
安瀾龍王廟六韻

皇考勤民瘼龍祠建阜河層疊臨聳瑞峻字鎮迴謁是祀精誠
宿遷縣志 卷一 七

達安瀾永佑歌彭城將往閱宿預此經過捍禦多方事平成竟
若何所希神貺顯沙刷輯洪波

入江南境

雪霽春郊喜不風入江南境便韶融此疆彼界爾雖異圖易思
艱我總同但覺民情更親切爰咨吏治可明公翁河汜利巡方
要名勝休誇點綴工

過崎嶇山

三度觀民駕幸吳春風又復過司吾蒼松開出紅牆寺信遞江
山畫意殊

拂廬停蹕對青山石洞流泉想像間合十僧羅紛候釐可知慮

擲半朝間

駱馬湖

當春資濟運行潦藉歸川實有關閘里要惟慎節宣橋橫下口
處帆挂遠天邊幾度思長策致艱利汝田

度永濟橋疊舊韻作歌

司吾除道遵遙迤雪消平原有積水故知此邦易致潦頻賑無
能瘡痍起長橋前度憶圯賴鳩工重築親相視今來歲役利往
來春時水弱行壑裏夏霖秋澇不可當曾無良法慚徒爾徒枉
輿梁有常經不虞之學求全毀者爾羣工善勤宣豈能一一待
親理與我共之之謂何食天祿斯民所恃示懷聊此舉大凡加
宿遷縣志 卷一 八

忠劉通印繼以

順河集行館作

登舟尚遲四朝程儘可修除張幕城何事居然亦室宇稍欣
未致人經營土香階草纔蘇紐風細盆梅欲放榮西望運河隄
傑峙幾多酌劑繫予情

放筆寫盆梅並爲是歌

順河集邊室數楹防湫溼建由大吏既樸且醇秀而野江北已
遞江南意春風駐筆喜清舒庭有盆梅爲點綴藏苞含蕊未全
開以未全開益清致觀其蘊釀有餘思設已爛漫夫何味鄧尉
香雪卽當逢女夷酌劑有深養因之放筆爲寫生无咎元章法

總置尺蠖之屈以求信妙筌由來易理契

過宿遷縣

登陴指桃鎮隔隄望去猶百雉開固萬家煙火稠民風咨利
弊漕運欲周流觸目無非事吾甯爲豫遊

策馬度仰化集口占

老幼數無萬都爲仰化人斯之未能信慚愧頌贊頻

過宿遷命借給民籽種

宿預地卑溼十歲九逢災慘然思救濟剔髮示前迴去歲乃免

勞賑恩例弗推一夫苟向隅如傷繫吾懷矧此瘠郡民艱狀憶

向來較昔雖小差日蘇實未設當春東作興籽種要安排借給

宿遷縣志

卷一

九一

俾動耕庶幾開汗萊便幸逢有秋毋遽科呼催

隄上偶成

運河轉清達都京策馬春風隄上行九里岡臨禦黃塢曾無長

策祗心驚

半是郊村半水莊輕風馬上曉猶涼韶光南國不相讓已見沿

隄柳色黃

鋪路蒼黎日覲光京陔兆億數猶強皆資饑食寒衣者奚怪絲

糧價不昂

宿遷迤邐接桃源澤國觀民鮮飽溫侍衛囊金分賜與途次命侍衛視

迎駕年過者分賜優老牌其貧者量給銀課慚無暇計子輿論

命疏濬六塘下游詩以誌事

大河迤北窪宿遷桃源清河沐陽海州六塘爲之經其緯諸河

在歲久或淤滯暴漲屢致殆所以三度臨民瘼曾未改是宜事
賢剔地廣艱乘載叶諸臣命往勘詳酌期無悔具圖如指掌進

止取有待展寬及去淤增低補薄倍其鹽河滾塘啓閉定準梯

商利著固否民利消每乃仍責成監司知向無專司今命移駐同知一員若司啓閉則屬

本相機理莫忘集思廣忠益所期民樂愷佇望起瘡疖慰予此

風采

安瀾龍王廟疊舊作韻

保障觀徐郡崇祠臨大河載瞻循路便篤祐固隄過去歲楊橋

宿遷縣志

卷一

十一

驛初冬瓠子歌合龍真是速

錫祉此無過銅沛今稍幸徐州丁丑命增築徐城石隄戊寅又築

汗田銅沛迤北至東省嘉祥魚臺耕桑閱幾何安瀾懸

聖藻繼

志祝恬波

入江南境

兩轡仲春初策驄卻輦輿瞻依從衆願長途難卸輿每策馬

至萬人亦呵禁戒相於弗令侍衛呵禁軍情益麥露含平草柳

煙護遠墟劃圻各迎送分野異青徐民望眞憐彼江蘇之民河

防益塵予入疆欣幸者氣象較前舒淮徐向爲六塘水每歲被災

幸逢連年有收民開
集較前略蘇為之欣幸

度永濟橋再疊舊韻作歌

長橋臥波如虹迤中泓有水旁無水夏秋淫潦藉此消前人建
議所由起其如六塘填闕多重臣命往悉心視為六塘河下注
向多淤梗夏秋漲水宜決不暢輒漫及田堤前無堤後無堤
命大學士劉統勳等上履勘定議濬濬堤前無堤後無堤
水合穰俾別導大禁淤田侵河裏責成則各有司存六塘河下注
上人侵佔河淤楚知節制又尼閘橫經河南北利萬事而民利始消
皆聞所開築自前巡增設堤前無堤後無堤
為可忘緩從事將罪爾三年以來頗見效秋禾未致為波毀下
民清問較前蘇乃知事在人經理臨斯土祇切惻懷善斯後莫
懷矜恃此去淮黃審所行兩言敬畏常銘以

宿遷縣志 卷一

十一

六塘河壩舊作韻

治水無奇術要當使歸海駱馬之下游厥有六塘在疏斯受利
益淤斯受危殆而何久因循弗謀更張改往昨命諸臣事在壬
午載地利相機宜民瘼救各悔僉同亟舉役肯作道謀待映咽
與濬通卑薄與培倍鹽河置閘壩節宣有定楷自茲潦歸察耕
犁得興乃力田免水患民自以不怠近歲頗獲收閘象熙悅
詎予獨斷臧實藉羣言采

順河集行館疊舊作韻

橋過永濟不多程行館西鄰宿預城數字瓦房樸非殿周圍布
帳制如營約內則數宇外則列布帳為周成仍如行營之制柳絲

牆外搖蕩弱蘭朵階前馥以榮到處懋勤供研匣捨斯何用遣
閒情

順河集行館詠盆梅疊舊作韻

借問時巡奚所重蓋在觀民與課吏餘暇風物亦因探綠柳紅
桃豈留意言花其必屬寒梅恰見枝頭數英綴前度曾無一朵
開佛紙為寫含苞致今來乃放十之三是則色香標淨味攔筆
詎關欲藏拙我於无咎得其義非因遊蜂解神韻幾以野梅遭
頓置獨不見粉白黛綠盡精工乃有時人與深契

過宿遷縣

大隄臨運水宿預過名城煙火隔隄庶倉箱際歲亨殷勤詢吏

宿遷縣志 卷一

十一

治親切愛民情花柳遲何礙吾甯問景行

隄上四首

淮北由來本瘠土六塘疏治起耕舍迎變萬姓休稱頌為汝宵
衣尚慙如

累跡摩肩隄上鋪果看氣象較前蘇甯徒云慰畢吾事駢堽恩
綸有後圖

夾隄栽柳為河防河兵測於隄內外種柳以供下隄之用高下成行護野塘卻

是春風不相讓輕搖絲縷半薰黃

大隄內外麥青蔥食接青黃跂望中趨覲萬民略塵埃怡欣細

雨潤濛濛